

**Namminersorlutik suliffeqarfiutillit immiaaqqanik, viinninik imigassallu kimittuunik eqqussisinnaangornissaat anguniarlugu Nioqqutissanik eqqussuineq annissuinerlu pillugit Inatsisartut inatsisaat nr. 18, 30. oktober 1992-imeersumut Naalakkersuisut allannguutissatut siunnersuuteqarnissaanik peqquneqassasut Inatsisartut aalajangiiffigisassaattut siunnersuut.**

(Inatsisartunut ilaasortaq Jens-Frederik Nielsen, Demokraatit)

### **Akissuteqaat**

(Aningaasaqarnermut Naligiissitaanermullu Naalakkersuisoq)

### **Aappassaaneerneqarnera**

Ataatsimiititaliap isumaliutissiissut pillugu aamma oqaatsinik atuineramik erseqqissaalluni allannguutissatut siunnersuutaa pillugu Naalakkersuisut sinnerlugit qutsavigaara.

Aalajangiiffigisassaattut siunnersuummik matuminnga nangitseqqinnermut atatillugu isumaliutit nangeqqillugit inatsisissatut siunnersuummik Naalakkersuisut suliaqarnerannut, ataatsimiititaliaq Naalakkersuisut sinnerlugit ilisimatinnikuuara.

Ataatsimiititaliap isumaliutissiissutaanut tunngatillugu erseqqissarneqassaaq, immiaaqqat imeruersaatillu kulysrimik akullit Kalaallit Nunaata Avannaani Tunumilu tuniniarneqartut ataasiartumik pooqartillugit tuniniarneqartut, utertitsisarnermi akuerisaasumi ullumikkut ilaanngitsut.

Inatsisissatut siunnersuutissap suliarineqarneranut atatillugu anguniagaqarluni oqaloqatigiinnissaq oqallinnissarlu Naalakkersuisut sinnerlugit qilanaaraara.

Naalakkersuisut taamatut oqaaseqarlutik ataatsimiitsitaliap allannguutissaattut siunnersuutaata akuerineqarnissaa inassuteqatigaat.